

## Resulta ti Eksaminasion iti Buli ken Gambang FAQ

- Apay a napateg ti maika-90 % a rukod ti Lead and Copper Rule Revisions?  
Ti maika-90 % a rukod ti Lead and Copper Rule Revisions ket ti nakalkular a lebel a pangtingiting iti kalidad ti danum ken mangipasigurado a maitunos daya kadagiti regulasion. Ipakitana ti kaadu ti buli wenno gambang iti mainum a danum a limbes laeng iti 10% kadagiti naeksamen a sampol.
- Adda kadi dagiti naikeddeng a petsa a plano ti Board of Water Supply ti mangala kadagiti sampol iti kada tawen?  
Ikalikagum ti Lead and Copper Rule Revisions ti panangeksamen bayat ti innem a bulan a panangeksamen iti danum ti gripo kas periodo ti panangmonitor a mangrugi iti Enero 1 wenno Hulio 1. Kalpasan daytoy a periodo, mabalina a maksayan ti kasansan ti tinawen wenno maminsan-iti-tallo-tawen tapno masigurado ti masursurot dagiti lebel ti panagaksion ken adda aprobado ti ahensia para iti daya.
- Kalpasan a makaala ti Board of Water Supply kadagiti sampol, kasano kabayag sakbay nga ipakitada dagiti resulta?  
Iti sidong ti Lead and Copper Rule Revisions, masapul a maipakita dagiti resulta iti uneg ti 60 nga aldaw iti ngudo ti periodo ti panagmonitor. Dagiti set ti detalye ket mailista sigun iti panagsasaganadda iti periodo ti panagmonitor.
- Apay a saan nga alpabetiko a nayurnos dagiti tsart sigun iti nagan ti kalye?  
Sigun iti regulasion, maikabil dagiti resulta a mangrugi iti kabassitan manipud iti sampol a kababaan ti konsentrasion agingga iti sampol a kangatuan ti konsentrasion. Kada resulta ti sampol ket masuratan iti numero, agpangato babaen ti single digit mangrugi iti numero 1 para iti sampol a kababaan a lebel ti panangkontaminar. Ti numero a naisurat iti sampol a kangatuan a lebel ti panangkontaminar ket masapul a katupag ti dagup a bilang dagiti naala a sampol.
- Saan a nailista ti nagan ti kalyemi. Sino ti masapul a kontakek?  
Dagiti lokasion a pakaalaan ti sampol ket mapili sigun kadagiti resulta ti imbentario ti linia ti danum ken mangirepresentar iti lugar a nakakolektaanda. Ti bilang dagiti adres iti isla ket dakkel met isu nga adu ti maibilang a mangirepresentar iti maysa nga espesipiko a lugar. Gapu kadagitoy, adda dagiti mapili a maeksamen idinto ta saan a mapili ti dadduma.  
  
No adda saludsodmo, pangngaasim ta kontakem ni Ian Arakaki iti The Limtiaco Consulting Group iti 808-596-7790.
- Ti dokumento dagiti resulta ti mangipakita nga adda nadumaduma a sampol a naala iti sumagmamano a kalye. Kasanok a maammuan no ania a naeksamen a sampol ti kaasitgan kaniak?  
Dagiti lokasion a pakaalaan ti sampol ket mapili sigun iti imbentario ti linia ti danum ken mangirepresentar iti lugar a nakaalaan dagita. Atiddog ti dadduma a kalye isu nga adda nadumaduma a disso a pakaalaan iti sampol iti isu met laeng a kalye. Ti panangsapul iti aniaman kadagitoy a lokasion ti sampol iti maysa a mapa ket isu ti kakaisuna a pamayan-an a makita ti kaasidag daytoy a disso iti espesipiko nga adres.

## Linia ti Serbisio ti Danum FAQ

- Nagbirokak iti adres ngem adu ti naipakita a resulta. Apay?  
Ti BWS ket addaan kadagiti account holder kas iti negnegosio nga addaan iti metro ti danum para iti nadumaduma a tenant iti property a pakairamanan ti metro ti danum a para iti agrikultura. Kadagitoy a kasasaad, mabalin nga adda nasursurok ngem maysa a resulta iti panagbirok iti maysa nga adres.
- Kasano kasansan a ma-update dagiti impormasion maipapan iti linea ti serbisio ti danum?  
Plano ti BWS a tinawen nga i-update ti imbentario ti linea ti serbisio ti danum.

Na-update: 06/21/2023